

霞

外

攬

屑

寶外擲屑卷五目錄

香雪庵半書丙集

山陰 平步青 景孫 篋

豔雪齋襍觚

大清經解

倪畚香

鄭所南

字用哉字

隨清娛

三字名堂字

溫公園吏丁

鮮答

樟柳神

文人害國

依經馬

少府

董文敏公

扁字之多

字用年號

秋室

劉猛將軍

蘇靈芝與伏靈芝不同

牛僧孺之誣與章惇同

宋人婚姻

默記之誤

升菴外集之誤

友于色斯赫斯貽厥

嚴陵釣臺

元狐獨刀

無粥

三元福地

榮木樓

強記

乾隆辛卯會試榜得人

申屠山

活

黃胖游春

金錢買鏡

王季友

端午

大厯十子

泥有涅音

除

侯白

碩人

威姑

以十二肖紀年

天水冰山錄

杭松吹

樗散

易遷宮

妄妄錄之妄

髡殘非楊山松

明應試夏日不得衣給

後身之妄

大士

侯魏

史雪汀跋采薇吟殘稟

張忠烈公辭故里詩

以菴字爲別號

求賢審官

淵明子庶出

強記不可恃

諱談爲同

季安谿

集部傳譌

連姓取名

字號段借同音

世系

基

五娶四娶

唯亭

三元甲子

像設

趙文敏柬

起居

三游赤壁

兩王應麟兩方苞兩魏叔子

宗衮

撥鐙

偽書

袁詔

趙忠毅硯鐵如意

用千字文語

幕府擬稟

尤袁相似

袁簡齋袁子才羅隨園邊隨園今世事多見古書

王崧山

儒藏

霞外摛屑卷五

香雪崦莘書丙集

山陰 平步青 景孫 纂

藍雪盃襍觚

大清經解

經經室一集

卷十

國朝漢學師承記序云元嘗思

國朝諸

儒說經之書甚多以及文集說部皆有可採竊欲析縷分條加以剪截引繫於羣經章句之下譬如休甯戴氏解尚書光被四表爲橫被則繫之堯典寶應劉氏解論語哀而不傷卽詩維以不永傷之傷則繫之論語八佾篇而互見周南如此勒成一書名曰大清經解徒以學力日衰政事無限而能總此事審是非定去取者海內學友惟江君暨顧君千里二三人他年各家所著之書或不盡傳奧義單詞淪替可惜若之何哉庸按文達此

書若成不下漢唐注疏較徐健庵所輯通志堂經解及後來嚴

鷗盟

杰

所輯

皇清經解尤裨後學以二書各自爲帙未引繫

羣經句下難於尋檢也豈卷帙繁富大車塵冥如梨洲所輯漢唐以來諸儒經解始春秋卽春王正月一句已盈五大帙度不可成遂罷去耶序作於嘉慶戊寅厥後經解庀局於學海堂

鷗盟視鄭堂

微不及文達不惶審去取旋移滇黔校棗付

之夏

廷楫李秉綬

益非文達本旨譚玉生代伍跋乃云石華廣

文跋稱阮文達輯

皇清經解以屬鄭堂後實嚴厚民蓋鄭堂

返權邗江是誤仍爲一書不攷石華原跋不知前後命名不同書之體例迥異文達序分明具載何可牽混爲一也光緒戊子四月上海石印扶經室羣經彙解中五經二百七十卷

易四十二詩七十六春秋五十三禮記四十九

其餘不知若干又補遺若干蓋卽本文達

之意而爲之者惜卷帙浩繁石印蚊腳細字不便觀讀然亦學
海堂後勁

倪畚香

華亭倪畚香明經

元坦

嘗刻二曲集錄要六卷儒門法語要七

卷儒學入門一卷及自著書共九種今名讀易樓合刻嘉慶己
卯入都因會稽莫侍郎晉得交諸公卿力言正人心息邪說莫
如與理學當軸者信之道光初元以後睢州容城宣公戴山漳
浦甯陵諸儒先後從祀 廟廡湯文端公刻四書反身錄麟見
亭觀察刻二曲全集莫侍郎刻明儒學案潘文恭刻正學編程
簡敬刻新吾全集盧容菴通參刻爲學須知宋學復盛乃自一
老明經開其端乾嘉攷證校讐瑣碎之燄稍熄矣諸老中蕭山
會稽表章儒先言行相顧餘或趨風氣爲之

鄭所南

盧熊蘇州府志鄭所南傳扁其室曰木穴世界以木字之十置
下文則大宋也精畫蘭自更祚後爲蘭不畫土或問其故則云
地爲番人奪去汝猶不知耶自稱三外野人嘗著大無工十空
經一卷空字去工而加十宋字也造語奇險如虞詞莫可曉自
題其後云臣思肖嘔三斗血方能書此後當有具眼識又著施
食心法一卷庸按此傳載筆墩宋遺民錄但云有大極祭煉文
一卷後題十一字云大無工十空經云云與盧志小異涌幢小
品謂年號以大始於大元此云大宋與班固燕然山銘振大漢
之天聲魏高貞碑云大代正光四年乃巨唐皇唐一例與大元
不同

字用哉字

史記仲雍字熟哉李元春益聞散錄云字用哉僅見此蓋本升

菴外集

全集卷五十一

庸按爾雅釋詁哉始也圖繪寶鑑卷六明俞臣字

臣哉杭州人崇正癸未進士王崇簡字敬哉順治乙未進士張

完臣字良哉

有周易滴露集入四庫易家存目

沈彤震澤縣志

國初吾邑之

高蹈而能文者相率爲驚隱詩社四方同志咸集有夏康哉笠

翁詩集

卷五

有虞君哉待詔云來初大參子興閒使君父則金壇

人王灑漫游紀略卷二顏子卓哉客淮舊友也皆不詳何名漢學

師承記掖縣諸生王襄哉

爾齊

集虛齋學古文周六雲誌銘兄

上臣字鄰哉瀉安歲貢生康熙庚子舉人烏程徐繩甲字烝哉

雍正庚戌進士顧成天字良哉雍正壬子舉人婁縣徐觀光字

鄰哉號又次居士官夔州知府改名良

名尺牘小傳作壬申舉人誤

吳詩集

覽凡例有榆社張德綽字如哉青浦縣志

卷二

懿行傳廣世臣

字鄰哉商籍學生分校 四庫全書賜舉人顏其室曰埽葉烏

程江聲字希哉號西齋乾隆壬申舉人進士庶吉士改知縣墨

林今話卷七嘉興薛廷文字魯哉號鹵齋著有聽雪齋詩鈔客窗

閒話卷六瘦馬條有溷人徐鄰哉爲上元令不知何名就庸所知

凡人近沈司成祖懋字懋哉李大令字直哉徐太史琪

哉年一百五名鎮海劉佐宸字二哉己丑浙江四十七名錢塘汪

以增號冷廬雜識卷八嘉興心哉字秋堂則以哉命名更奇

池北偶談劉欽鄰字鄰哉天恩山人詩集注謝葛欽哉惠菊

本張學禮使琉球記有表弟王大哉言王有序斯友堂集卷一

有友說贈金念哉冥報錄卷上仁和讀孟居文集卷四重

修臨津樓記有盛稱邑子劉君襄哉厚岡文集卷八致朱一

哉本清楚行集云一哉先生浙水名宿巢經巢詩鈔卷七有

丁吉哉元明陔蘭書屋詩二集卷三有同張良哉刑部長

小飲五律兩浙輞軒續錄四十三許紹曾字承哉四十四周

炳元號郁哉四十八周光烈字承哉二十俞德順字異哉號

燕齋二十二魏繼相字襄哉

號半字又馮如璋字襄哉

隨清娛

雨窗和仲跋潘景升

之恆

賈扣傳云褚遂良志司馬子長徧游

天下以妾清娛自隨最風雅事惜不見正史

庸

按褚遂良鬼冢

志永徽二年九月予判同州夜靜坐於西廳若有若無猶夢猶

醒見一女子高髻盛妝泣謂予曰妾漢太史司馬遷之侍妾也

趙之平原人姓隨名清娛年十七事遷因遷周游名山攜妾於

此會遷有事去京妾僑居於同後遷故妾亦憂傷尋故瘞於長

樂亭之西天帝閔妾未盡天年遂司此土代異時移誰爲我知

血食何所君亦將主其地不揣人神之隔乞一言銘墓以垂不

朽余感悟銘之全唐文紀事

卷一

陳鴻墀按遂良有請宮中眼

花浪見不得輒奏表其論甚正今觀此銘事頗近誕與前論不

符

庸

謂此事不見於唐以前傳紀唐人說部最古豈此志卑冗

或後人依託不出褚公不獨太史公漢官名不當稍稱太史之
誤也故錢希言戲瑕亦辨此碑爲可疑

三字名堂宇

南窗紀談石林間徐愔濟曰自坡公名思無邪齋德有鄰堂而
世爭以三字名堂宇前此有否徐答以吳興城南射邨有錢氏
賜號師子吼寺肅按此說本曲洧舊聞徐作子兄與下徐字皆
誤此襲取之顯然者袁文瓊牖閒評云古有益壽延三字名館
師子吼名寺

溫公園吏丁

五總志司馬溫公獨樂園吏見公出視而歎息公詰之答曰方
花木盛時公一出十數日不惟老卻春色亦不曾看一行書可
瀾浪卻相公也及東軒筆錄記園丁呂直曰天地閒只端明不

愛錢耶皆士大夫所不能道語讀之真覺金陵買菜傭亦有六朝煙水氣之爲俗今人但知二十年只稱君實秀才之僕抑知公左右侍史罔非士流耶

鮮答

山居新語鮮答乃走獸腹中之石留青日記云一作鮮單筠廊偶筆上載徐亦史籍吾邱紀軼甲申七月崇明馬生三卯攷之書名曰鮮答治奇疾難名者凡獸皆有生牛馬者良聽松廬詩話則曰鮮答似石非石禱雨立應番人云龍精遺草樹閒牛馬食之則孕此楊致軒守知有詩甚詳徐迪惠泰和縣志記鮮答一篇皆未及引茶香室續鈔卷二亦止引紀軼而譌爲集微誤十四

樟柳神

陳祖范掌錄漢書藝文志雜占家有執不祥劾鬼物八卷符錄

之法其來已久不始於張道陵寇謙之也國語楚靈王拒諫者曰子左執鬼中右執殤宮凡百箴諫吾盡聞之矣鬼中者鬼身也殤宮者小兒魂也此卽今樟柳神耳報法之所爲矣

文人害國

尺牘新鈔

卷十

魏大中答蕭元恆云士之束書不觀而荒於嬉

者害止其身其能文章者害乃在天下國家衡文者日閱數千百卷皆束書不觀而荒於嬉者之文得一二標新競異之文安得不亟賞之而亟拔之孰知其貽害於天下國家者竟斯人也

庸按忠節所言未知誰指其時湯賓尹最負重名傲狠爲三黨之魁浸淫及於附璫諸奸五虎十孩兒五百猴孫諸如馮銓阮大鍼無不由甲乙科目者至陸之祺項煜鞏張麟然黎志陞周鍾降闖馬士英方逢年賣國害遂及於天下國家然豈當日

關中主文者所及料哉翼駟神編載熊襄愍督學南畿特取盧忠烈公置七等以示破格而答周延儒雖不免附會予別有攷然英雄鉅眼衡鑑自異常流也

依經馬

稱販卷三宋時婦女作劇有所謂依經馬蓋卽今之掉花綫庸按李易安打馬圖經序云按打馬有二種一種一將十馬謂之關西馬一種無將二十四馬者謂之依經馬流傳旣久各有圖經又云予獨愛依經馬因取其賞罰互度每事作數語隨事附見是依經馬乃打馬之一名曹似誤解

少府

湧幢小品宋人稱縣尉爲少府少府自是漢官未可易稱又曰少仙用子眞事亦非是庸按王子安有送杜少府之任蜀中詩

太白有贈瑕邱少府詩少陵有贈華陰李少府詩摩詰有酬崔少府詩達夫有送李少府貶峽中王少府貶長沙詩三唐人集中稱少府者不一而足不始於宋也義門讀書記杜工部集野望因過常少仙引容齋隨筆見卷一云唐人稱縣尉爲少府此少仙用梅仙事名更新見四筆卷七蚪菴殆憶隨筆語以洪南宋人故謂始宋人耶潛邱劄記卷二自記錢牧齋草堂詩箋野望因過常少仙姜宸英曰詩中不見尉意安知非是人名若稱尉爲少仙古人無此牽強文義又曰幽人非尉可知柳亭詩話卷十邵二泉謂少府卽今之典史亦沿唐人也

董文敏公

東皋雜著卷一華亭宗伯思白公臨終時忽索鏡自叱作美人相聞之先人云庸按池北偶談卷十二高念東宗伯書來云昔聞宋

直方中丞說董思白宗伯臨終時忽索鏡自詫作美人相東亭
先人所云殆卽據偶談所載詫誤爲叱遂覺不辭說文叱訶也
玉篇詫誇也二字義不同

扁字之多

聽雨軒雜記琵琶亭側有忘機閣牖懸殘月曉風大江東去八

字扁字之多此爲僅見權使唐蝸寄英題笏有餘步有僞漢陳

友諒妃鄭婉娥墓華表羊虎猶存庸按扁字之多朱竹垞於南

垞北垞之前隸書夕陽芳草邨落六字甘泉鄉人稟明海鹽張

方洲先生告歸以七字自題草堂曰一笑山雪夜歸舟有記見

方洲集周保緒濟止菴詩歲晏立春雨益不已感念存歿自尉

索居如序之云爾詩第十一陸祁生故宅有龍蛇影外風雨聲

中之軒焦理堂有倚洞淵九容數注易室劉傳瑩爲曾文正公

官翰林時書書齋額曰養德養身縣縣穆穆之室船山詩集

卷五

正月十三日稚存子飴孫在常州娶婦稚存招飲於上下三千

年縱橫二萬里之軒

緣雪堂遺集卷十九洪氏著書墨銘軒作齋

十二字爲最多屢

雲同年曰尚有多於此者急詢之曰湖山便覽

卷十

萬松嶺行在

所條云紹興二十四年討論制度其建一閣而諸閣所藏皆在

其中自龍圖至顯文之閣二十四字合爲一扁殆無有再多於

此者矣

字用年號

養新錄

卷七

程伯滄之歿也文潞公題其墓曰大宋明道先生程

君之墓按明道仁宗年號也不當爲人臣之私稱而潞公以題

墓伊川受而不辭皆所未喻後人亦無議及此者

庸

按顧氏金

石文字記珍州榮德縣丞梁師亮墓志銘師亮字永徽以本朝

年號爲字猶後漢袁紹之字本初

質帝年號

古人之無避忌如此路

公亦偶未檢然實不可爲訓隨園隨筆

卷五

以國號爲字條襲之

而不言出金石文字記荆園進語云古不聞有避年號者而姚

元之因避開元改名崇明道乃宋仁宗年號而當時竟以稱程

子俱不可解按袁紹字本初梁師亮字永徽皆以本朝年號爲

字古人不拘如此是亭林鳧盟已議及之竹汀偶忘耳按舊唐

書元宗本紀先天二年十一月

字衍下云十一月朔非庚申必辛酉不得有甲

辰也月甲辰同州刺史梁國公姚元之爲兵部尙書同中書門下

三品十一月戊子上加尊號爲開元神武皇帝十二月庚寅朔

大赦天下改元爲開元姚崇傳云避開元尊號又改名崇是元

之因避尊號而後改元在踰月尙在其後鳧盟未攷舊書楊甫

未定稟

卷八

示樂儀書院諸生書云證諸往牒本初爲漢之年號

而袁紹之字曰本初景雲爲唐睿宗年號而唐有詩僧名曰景雲明道爲宋英宗年號而學者之稱程子曰明道先生正德爲明之年號而明之臣有曰彭正德又有范正德又云按唐碑有故珍州云云其人以生於永徽元年因字永徽顧氏金石文字記王氏金石萃編各有著說又宋以建中靖國紀年而宋史范純仁傳載帥臣楚建中之名李西臺亦名建中宋紀年有嘉祐而王十朋之子名嘉祐唐按英應作仁李西臺宋初人楊甫此書亦微誤十朋應作禹偁

秋室

柳亭詩話

卷十

侯官陳叔度

鴻

少寒微無有物色之者曹石倉

招入社名其詩曰秋室篇取昌谷詩秋室之中無俗聲也

唐按

李句一作揚雄秋室無俗聲乾隆中仁和余秋室學士

集亦取

以自號而不知昔人已有先之者歸安楊明經鳳苞亦號秋室

劉猛將軍

居易錄俗祀南宋劉漫塘字爲蝗神劉金壇人有專祠往祀之

則蝗不爲災俗呼爲莽將殊爲不經按趙樞密葵作漫塘集序

稱其學術本伊洛文藝過漢唐不知身後何以矯誣若此柳南

卷二本此按宰字平國官浙東倉司幹官見宋史隱逸傳著有漫塘

文集語錄全氏宋元學案入之獄麓諸儒中云游氏門人紹熙

元年進士累官直顯謨閣主管玉局觀謚文清李元春益聞散

錄下俗傳神爲劉宰然史無捕蝗之說朱坤靈泉筆記宋景定

四年封劉錡爲揚威侯天曹猛將之神勅書除蝗堅瓠甲集卷

條引怡菴雜錄與筆記同然予以爲蝗神卽八蜡中昆蟲之神李說蓋卽略

本漁洋池北偶談卷四湯斌丙寅疏毀吳下淫祠五通五顯劉猛

將五方賢聖等廟恭請

上諭勒石上方山得

俞旨通行直省至雍正二年奉

旨各省府州縣廟祀劉猛將軍始見會典近俞樓雜著中壺東漫錄疑爲城陽景王劉章亦臆度不足信或以八蜡中昆蟲爲卽百蟲將軍伯益則說益新奇然不可以之釋經也

陶文毅公

樹

印心石屋全集中有皖城劉猛將軍廟碑記則云

神名承忠吳川人元末授指揮使嘗飛劍驅蝗蝗飛境外元亡自沈於河因封今號見降靈錄而怡菴雜錄謂宋淮南淮東浙西制置使劉琦因驅蝗理宗封爲揚威侯天曹猛將之神二說皆可徵伏查會典主降靈錄故廟額但題劉猛將軍云怡菴與朱坤合以錡爲琦似槩工偶誤也

道光己亥

勅賜福保康年
屬咸豐丁巳加保康年封號

蘇靈芝與伏靈芝不同

居易錄北海書碑自刻之託名曰蘇靈芝南邨書史會要云靈芝書生嘗爲易州刺史不知何據庸按升菴全集卷六李北海手自刻之者數碑碑中書黃仙鶴刻或云伏靈芝刻或云元省已刻皆公自刻而詭撰此名也外集卷三禮天地訶合訶讀爲熹朱子注參同契隱其姓名爲鄒訶蓋取諸此南邨誤以蘇爲伏春明夢餘錄已辨之漁洋偶仍其誤耳

牛僧孺之誣與章愔同

居易錄揮塵餘話章愔乃其父俞通妻母楊氏而生後錄又載高俅出身事與耐菴小說脗合庸按南部新書已殷僧辨周僧達皆僧孺同母異父兄弟也此等皆出讎口如周秦行紀之爲衛公門客作後人惡丑座申公姦惡信以爲眞其實二人之罪

不緣此未滅附會醜詆轉來反昏不足據也

宋人婚姻

居易錄宋人婚姻多不在鄉里君子小人亦各從其類如李文靖與蔡文忠富文忠爲晏元獻婿歐陽文忠爲薛簡肅婿滕章敏爲范文正婿黃文節爲孫莘老婿劉斯立爲王定國婿是也若蔡卞之婿於安石鄭居中秦檜之婿於王珪薰蕕不同器信然庸按蘇文忠公撰龍圖閣學士滕公墓誌銘云曾祖母祖母皆范氏又云范希文皇考舅也又云娶李氏唐御史大夫栖筠之後晉卿之女是達道父爲文正甥所娶者李而非文正女據玉照新志秦檜娶王氏乃珪子仲山女長腳非居中僚婿漁洋皆誤

默記之誤

默記歐公胥夫人乳媪夜開繞宅甲馬聲知明日富鄭公必來
爲具冷淘時富爲秀才公爲西京留守推官庸按文忠登天聖
八年進士五月授將仕郎試祕書省校書郎充西京留守推官
九年三月至西京鄭公亦於八年以茂才異等中第二公本同
年王銍之說附會不足信也

升菴外集之誤

雲谿友議卷一王僕射起再主禮闈武宗詔至殿陛曰朕近見二
字一乃一宄莫能詳焉特詢於卿對曰臣於三教經典竊嘗徧
覽向者二字羣書未之見也未審天顏於何文而得周穆王傳
有齊侖二字經百儒宗但言古馬名不敢分於飛兔駮裏於今
靡有詳之者也上笑曰知卿夙儒學綜朝野偶爲此二字相試
非於經籍中得之遂賜金綵等南部新書 略同升菴外集卷九

十引此事而云起貞觀時人太宗嘗撰字試之俱到時代將以天下人皆無目不識一个耶

友于色斯赫斯貽厥

宋吳开優古堂詩話謂友于見南史劉湛友于素篤北史李謐事兄盡友于之誠又陶淵明詩一欣侍溫顏再喜見友于近人冷廬雜識卷五則謂友于二字後漢書已有之史弼傳陛下隆於友于又晉書馮統傳陛下友于之情甚篤色斯亦始於後漢書左雄傳或色斯以求名赫斯始於後漢書曹節傳發赫斯之怒貽厥始於晉書賈充傳蓋歇後語之濫觴也按陸說最覈曹植求通親親表今之否隔友于同憂晉書孝友傳序夏方盛彥體至性以馳芬庾袞顏令篤友于而宣範蓋皆本史弼傳高適契闊慙行邁羈離憶友于杜甫山鳥山花吾友于友于皆挺拔則

皆本陶詩潛挈堂金石文字跋尾郎中鄭固碑云論語色斯舉
矣斯乃語辭而漢魏人多用色斯字如論衡翔而後集色斯而
舉費鳳碑色斯輕翔費鳳別碑色斯高舉元賓碑翻署色斯抱
朴子外篇明哲色斯而幽遜內篇色斯而逝皆以斯連上讀若
張壽碑常懷色斯斥彭長田君碑色斯去官抱朴子外篇或色
斯而不終日三國志崔琰傳諫魏世子田獵書哲人君子俄有
色斯之志此碑亦云將從雅意色斯自得則竟以色斯當遠之
意所謂歇後語也而忽引左雄傳高貴鄉公親征諸葛誕詔司
馬師請親征諸葛誕表皆有皆所以奮揚赫斯震耀威武者也
太平御覽載曹植漢二祖優劣論光武秉口光之巨鉞震赫斯
之隆怒薛綜諫征公孫淵疏惟陛下抑雷霆之威忍赫斯之怒
應璩與西陽令孔德琰書親發赫斯爰整其旅晉書王敦傳王

導邈王含書是以聖主發赫斯之命皆本曹節傳宋書廬陵王

義真傳先帝貽厥之謀茗谿漁隱叢話卷十引洪駒父詩話退

之詩誰謂貽厥無基杜亦未能免俗藝文類聚卷十任昉

齊明帝謚議貽厥之寄義均又卷五謝眺謝隨王賜左傳

啟蘇金遺其貽厥皆本賈充傳

友于色斯赫斯貽厥前人載之詳矣近讀青箱雜記卷四又得一

條云龍圖劉公煜未第前娶趙尙書晃之長女早亡而趙氏猶

有三妹皆未適人旣而劉公登科晃已捐館夫人復欲妻之使

媒婦通意劉公曰若是武有之德則不敢爲姻如言禹別之州

則庶可從命蓋劉公不欲七姨爲匹意欲九姨議姻故也夫人

詰之曰諺云薄餅從上揭劉郎纔及第豈得便簡點人家女劉

公曰非敢有擇但七姨骨相寒薄非某之對九姨乃宜匹遂娶

九姨後生七子皆至大官七姨後適關生竟不第落泊寒餒暮
年劉氏養之終身以七爲武有九爲禹別皆歎後語而今人鮮
援引之堅瓠辛集卷三引之不著書名且多刪易

嚴陵釣臺

謝皋羽以友道喪合同志姓名作許劍錄未就歿後方鳳等
爲作許劍亭於墓右墓在釣臺南元富陽朱元之清高隱稱東
山先生歿後人以清與謝皋羽配食子陵祠堂皆見富春縣志
今謝墓右無許劍亭子陵釣臺山下祠堂亦無謝陳二人粟主
配食皆後人所當補

元狐獨刀

夜譚隨錄卷三人紹夏旣而冬旣其操似松又雜記狐之類不
同條一有草狐沙狐元狐火狐白狐灰狐雲狐之別庸按茶餘客話

卷九則云毛黃而長曰草狐短曰黠音天集韻黃白色曰沙狐二種產

黑而毫白曰元狐身黠音天集韻黃白色而賺青曰火狐身黠音湍說文黃黑色

而賺黑曰獠刀與白狐灰狐五種產俄羅斯餘不言今俗有千年元狐八百

獠刀之說又有白狐年久而黃黃久而元之說皆無稽也在園

雜志卷一白狐腋俗名天馬皮又集項下細毛深溫黑白成文者

俗名烏雲豹其腿衷一塊黃黑雜色者集以成裘俗名麻葉子

更有舍利孫一種輕暖華美貂裘之外無出其右所謂胭脂雪

者想卽此耶侍衛製爲朝衣諸王製爲坐褥定例亦四品以上

始服近亦僭越矣灰鼠毛之白者名銀鼠康熙初年尙少羊皮

毛輒而長者俗名麥穗子十七史商榷卷九五代史附錄契丹

耶律德光脫白貂裘以衣晉高祖白貂俗呼銀鼠西莊之說與

在園異俟攷姑妄聽之卷一物之輕重各以其時之好尙無定準

也灰鼠舊貴白今貴黑貂舊貴長毳故曰豐貂今貴短毳銀鼠
舊比灰鼠略貴遠不及天馬今則貴幾如貂

焦粥

陸放翁寺居睡覺七絕五首之二云心地安平曉夢長忽聞魚
鼓動修廊披衣起坐清羸甚想像雲堂焦粥香自注僧雜菜餌
之屬作粥名焦粥庸按廣雅焯謂之焦廣韻焦方久切音乍玉
篇焦火熟也焯焦也集韻或作焯亦書作焯攷康熙字典火部
焦字下未引陸句今越人冬月以白菜萊菔雜米作粥者有之
無呼爲焦粥者矣白華絳跗閣詩庚甲子臘八夜感書四首之
三云可憐焦粥初香際紅燭淒涼是客中

三元福地

金亞伯年丈主講鼓山試帖題多出僻書肄業者率不知出處

皆肌作年丈亦漫置之評隲甲乙仍以文論則試帖爲贅旒矣
道光己酉四月十六日題爲三元福地生童肌爲堪輿家言周
四雪

白山

獨錄題而不作詩莊書其後云生寒士無書越中故

家雖多藏籍而乏素交無從假閱課期迫促雖翻檢亦不能徧
與其妄作不如弗爲且生平口亦有數十題攷索數年不能得
謹埶錄請質求一一示之年丈得卷但置劣等而已丁亥六月
七日偶閱痿蟲吟彙卷一讀書西湖靜修菴紀勝敘靜修菴一名
三元福地詩云南山有蘭若幽靜俗塵絕面山而枕湖花木間
疏密臨池軒五楹水面芙蓉出修竹壓檐低叢花補牆缺云云
則其地當在南屏之陰雷峰塔下

近出西湖計積裁方
圖在蕙花書院之西

而湖山便覽南山路不載西湖志當有之俟攷聞年丈歸田後手不釋

卷遇課期就所閱書命題故雖子弟請閒亦偶不省非有意困

院中生童四雪此舉亦可已也

榮木樓

四雪書有學集後詩有榮木樓三字讀者每以爲疑予按沈葭
士明經炎跋讀書敏求記云卷二第一葉東都事略下榮木堂
木字誤作本庸按原文云榮木樓牙籤萬軸獨闕此書牧翁屢
求不獲則是樓非堂榮木似絳雲之初名又見本書卷三玉壺野
史下四雪詩本此

強記

屢雲於古今人名籍爵謚著述能悉舉之百不失一而習見之
經史或反不能對予怪之屢雲舉熊善惟老藕傳以答曰應我
記者一過目輒不怠不應我記者怠後繙閱死記之而終歸於
怠不但功名富貴委之於數卽讀書之能記不能記亦有數存

爲迄今數十年閱歷名場所見名人大都如是熊言洵不誣也

乾隆辛卯會試榜得人

魯山木文集卷四與同年龔惟廣書云嘗引宋張忠定之言謂吾

榜中得人最盛或以經術顯或以文章稱或以風節著皆卓卓

有聲京師其出而任監司治郡縣者皆迴絕流輩庸按辛卯一

榜以經術顯者有王方川增李雲門廣程澂江世清程魚門晉

方邵二雲晉周書倉永年陳觀樓昌齊洪素人朴孔彛軒廣

森九人以文章稱者有林香海附番周鶴堂厚侯葦園學詩

凌花農世御與海峰山木周宿航景益程仁山峻吳建軒思樹

九人任監司郡縣者有黃小峰軒熊謙山枚姜星六開陽李石

濤保田鳳儀方坳堂昂馬清恪慧裕林其宴和簡勤

九人而以風節著者止錢南園禮一人當爲是榜冠庸所不

知俟再攷

申屠山

相傳申屠蟠避亂居富春因名其地爲申屠山范書本傳無之
今富陽由屠氏甚蕃或後人流寓至此未必蟠曾隱居也

活

焦竑玉堂叢話

卷八

新建好聚斂多姬妾自詭知字學語姜仲文

曰婦人口液名華池神水吮而嚙之可不死故活字乃千人口

中水也一時傳以爲笑

庸

按仲文名應麟新建豈張位耶天啟

宮詞注客氏命美人數輩各持拭具環侍左右偶欲飾髻遽挹
諸人口中津用之自云此方傳自嶺南異人名之曰羣仙液服
之令人老無白髮客氏淫媼不必論活字从氏从口从干者隸
省爾以此爲知字學又下拗相字說一等矣

黃胖游春

四朝聞見錄韓侂胄以春日燕族人於西湖用土爲偶名曰黃胖以綫繫其首累至數十人游人以爲土宜韓售之以悅諸婢庸按談藪怡顏錄載此事則以爲席閒有獻牽絲傀儡爲土偶名小兒者名爲黃胖游春韓族子判院詠詩云云與葉說少異堅瓠丙集卷二引白獺隨游春黃胖詩朝士俞某所作

金錢買鏡

鄰幾雜志及侯鯖錄皆云錢王進錢買夜鮑以文以爲見猗覺寮雜記惟鐵圍山叢談以爲非是蓋乾德閒孟氏初降正當正月太祖詔開封增兩夜開寶末吳越國王始來朝按燕翼貽謀錄國朝故事三元張鏡乾德五年增兩夜帝京景物略本之滄祐三年更加十三一夜謂之六夜燈滄化元年六月罷中元下

元張鐙蔡條之說本此容齋三筆卷一同咳餘叢攷卷三十一引曲洧
記聞亦然堅瓠續集卷二攷開元傳信錄明皇御勤政樓大酺縱
士庶觀者人物喧填復五日宴酺則七十八蓋唐故事亦非
始宋乾德中也

王季友

皇華紀聞卷唐詩人王季友豐城雲嶺里人開元十四年進士
第一仕至御史中丞庸按唐才子傳開元十四年進士第一爲
嚴迪非季友又按午亭文編與徐健菴論一統志書云按季友
見於朱長孺注杜子美贈詩後頗詳據殷璠評謂其白首釋褐
據潘洄詩話則爲李勉幕僚兼御史據于邵送季友序則以爲
兼司議俱無登第及中丞語也且杜詩作於大曆二十四年已
呼爲貧窮老安若至貞元則又歷二三十年安能復爲進士乎

前志似誤據文貞此書是明一統志作貞元進士文簡誤貞爲開則又前數十年幕僚帶職止檢校御史亦未必兼臺長也

端午

紀文達公庚辰集註爲公少年著述不及後來典校祕書所纂提要目錄之淹貫如引宋史劉溫交傳明年重午云云今人沿之似非月建午日未必午何重之有以重三重九例之宜稱重五資暇錄云端午按風土記仲夏端五烹鷺角黍端始也謂五月五日也今人多書午字其義無取庸按虞虹升天香樓偶得宋璟請以八月五日爲千秋節表云月維仲秋日在端午則凡月之五日皆可通稱馬朴譚誤云元和中有所端五詔書是尙用五字後不知何人誤作端午據馬說則從文達重五端五爲正至虹升謂宋表不曰端五而曰端午或是日適逢午日未可

知按容齋隨筆

卷一

張說上大衍厯序云謹以開元十六年八月

端午赤光照室之夜獻之則虞說亦肌度無稽吳仁傑兩漢刊
誤補遺已引宋表徐文靖管城碩記并引張序文達作注偶未
詳耳容齋說堅瓠續集

卷二

引湧幢小品一條卽本之

大曆十子

分廿餘話大曆十子傳者不一江鄰幾志乃盧綸錢起郎士元
司空曙李端李益李嘉祐耿湜苗發皇甫曾吉中孚其十一人
或又云有夏侯審按發審詩名不甚著未可與諸子並且皇甫
兄弟齊名不應有曾而無冉又韓翃同時盛名亦不之及不可
解庸按今稗海本鄰幾雜志此條末云或無吉中孚有夏侯審
文簡引語小異蓋記憶信筆書之非依本照謄不足怪也據新
唐書綸傳云綸與吉中孚韓翃錢起司空曙苗發崔峒耿湜夏

侯審李端號大厯十才子較江志有韓翃夏侯審多崔峒而無
郎士元李益李嘉祐皇甫曾四人詩品從之全浙詩話卷錢起
條按語云錢郎劉李四人齊名既有錢郎李何獨遺劉皇甫曾
皇甫冉兄弟二人齊名既有曾又何遺冉且十才子復多列一
人明有舛誤當以唐書爲正卽本文簡說第既從新書又增劉
長卿皇甫兄弟則十三人矣豈篁邨隱從文簡發審詩名不甚
著之說并去中孚不數耶

石園詩話本無審中孚又云吉頊夏侯審崔峒又云韓翃或
云錢起盧綸司空曙皇甫曾李嘉祐吉中孚苗發郎士元李
益秋萍李端而劉長卿不在十才子之內何耶

泥有涅音

譚苑醍醐後漢桓帝時謠曰舉秀才不知書舉孝廉父別居寒
素清白濁如泥高第良將怯如蛆泥音涅或音匿音蔑或音

密音書作怯爲雞蓋不得其音而改之按論語涅而不緇楚辭
及史記屈原傳作泥而不滓索隱曰泥音涅據此知泥有涅音
則桓帝時謠詎讀如蔑矣庸按姚信正部引諺曰舉孝廉濁如
泥舉良將怯如龜後書引論語泥而不滓論語本作涅蓋卽本
醍醐而多脫誤字馬朴譚誤反引之誤之誤矣奚以譚爲

除

馬朴譚誤以初授官爲除誤唐書崔祐甫傳除官八百人已誤
馬說蓋本之漢書景帝紀中二年春二月列侯薨及諸侯太傅
初除之官注如酒曰凡言除者除故官就新官也學林則云除
有三義開也盡也去也詩何福不除按毛傳開也義同近俞國
中山云亦當讀爲儲語九月除道禮兩畢而除道左傳除道梁澐史記始皇除道皆
開也易君子以除戎器蓋開新簡始使戎器精且備也除官亦

如此意墨客揮犀

卷七

除拜官職謂除去舊籍不然也除猶易也

以新易舊曰除如新舊歲之交謂之歲除易除戎器戒不虞

按釋

文本

作儲以新易弊所以備不虞也階謂之進以自下而上亦更易

之義庸

按說文除殿陛也爲字之本義書除惡務本左蔓草猶

不可除周官祓除鬻浴皆訓去易除戎器禮記馳道不除周官
則爲主而修除左令諸侯日中造於除皆訓治史記呂后紀請
得除宮與除官之除則皆訓開平準書諸買武功爵官首者試
補吏先除注先除用也漢書田蚡傳君除吏盡未注凡言除者
除去故官就新官是據平準書注則初授官謂之除先除用也
據田蚡傳注則改官亦謂之除除故官就新官也字兼二義故
承用至今馬敦若之本如宿與蚡傳同王觀國學林本之皆遺
卻平準書注失之不攷何福不除之除傳箋皆訓開廣韻則與

日月其除

老學菴筆記卷八日月其除直應反除夜同

風雨攸除皆遲倨切並音箸

與除道等異讀若寄園寄所寄

卷八

引原始祕書云古謂除者如

階除等級而進也何新授其官則曰除與除去不用之音同何也蓋官不可久久則姦弊日深如任重爵者恩威日加聲勢日重人望日久叛亂之萌是興篡奪之禍是作其國必危故官不可久居其位宋高后明肅謂大臣呂大防曰卿等久居其位可退令天子另尋一班新人用正謂此也除官一字有自來矣此說雖新然意涉偏激近於臆斷不可從

侯白

昆明趙文恪司寇

光

咸豐己未主春官得桐城光緝甫水部

鳳

光適悼匹公以次女妻之同治甲子春女卒公亦薨京師好事者戲作聯句云趙光之女光趙氏光趙氏死趙光亦死語本瓊

薄未得偶句及受弔日賓客沓至有旗員名琦成額者來甫去而琦鄰魏卿少司空

成琦

遣丁送贈至云大人有事不得來公

門下士某君大笑曰吾得妙對矣成琦有鄰琦成額琦成額來

成琦不來座客皆謂天生湊合也

庸按玉泉子

太平廣記百八十四

白敏

中爲相嘗欲以前進士侯溫爲子壻且有日矣其妻盧氏曰身爲宰相願爲我壻者多矣已旣姓白又以侯氏兒爲壻必爲人呼作侯白爾敏中爲之止焉文恪已旣名光而相攸得光君不識當時僕隸相呼如何文恪蕭夫人亦不及諫遂有此妙對也

碩人

俞樸雜著

卷四

壺東漫錄云吳映奎止狷著顧亭林年譜稱先

生祖母爲周碩人李碩人先生母爲王碩人本生母爲何碩人

先生元配爲王碩人未詳所謂及讀王漁洋香祖筆記

卷九楓窗

小牘言宋婦人封號自夫人以下凡八等如侍郎以上封碩人
大中大夫以上封令人通直郎以上封孺人今皆無之碩人孺
人率爲婦人之通稱矣乃知彼時稱碩人猶今稱孺人也攷宋
史職官志載羣臣母妻封號母自國太夫人至縣太君妻自國
夫人至縣君又云凡遇大禮封贈二代者母妻郡夫人注云觀
文殿學士資政保和殿大學士並淑人又云凡遇大禮封贈一
代者母妻孺人是宋史所載有夫人淑人孺人而碩人令人不
見於史然宋人說部有談藪一卷舊云麗元英撰四載曹沅
侍郎妻碩人厲氏餘姚大族女始嫁四明曹彥升與夫不相得
此離而歸乃適詠則知宋時固有碩人之號史文不備耳明史
載婦人封贈自一品夫人至孺人與今制同無所謂碩人者而
民俗相承尙沿此稱觀香祖筆記知國初尙有之也茶香室

叢鈔

卷六

鐵圍山叢談政和中改郡縣君號爲七等郡君爲淑人

碩人令人恭人縣君爲室人安人孺人俄又避太室人之目因

又改曰宜人按今制淑人恭人宜人安人孺人卽始於此然莫

知宜人之始之本爲室人矣庸按據蔡說是碩人在淑人之下

令人之上以品官擬之淑人正三品封碩人當從三品令人當

正四品恭人當從四品去孺人尙隔二階文簡謂今皆無之今

特無碩人令人耳非無孺人也彼時稱碩人亦非今稱孺人皆

不可解俞氏亦未疏及茶香室三鈔卷七又引之

寄園寄所寄卷七引學齋佔畢政和初定命婦八階孺人次以室

人後改爲安人亦見於大詔令今職源等書亦不載也史繩祖

之說殊誤恆夫誤采之不可從

墨莊漫錄

卷四

王將明後房曰田令人者顏貌殊倫真國色也

蔡元長後房曰武恭人亦妙麗不凡則宋時宰執之妻有應令人恭人之封者蓋直以郡君予之矣宋史蔡京傳云廝養居大官媵妾封夫人蓋濫竊甚多不止一武也

漫錄又云李巖杞縣人而李栩穎川人地名不同惜未攷李精白爲何縣人一決此疑也

庸按題名碑萬曆癸丑李精白河南穎川衛軍籍直隸穎州人兵部尙書范作戶部誤俞氏謂豈以崇正時有戶部尙書李待問因而致誤歟亦誤惟云李精白爲逆案中人海內所切齒一聞河南有以舉人從賊者則皆曰此必李精白之子也譌以傳譌遂登史策李精白之子實是李栩而非李巖歟

庸按栩字蘧蘧

威姑

說文威字下姑也从女从戌漢律曰婦告威姑正字通云按漢

律威姑二字宜連讀信如說文訓似告姑姑豈成文理庸按芑山不知說文訓解連上篆文爲句故有此譏與亭林之議參商同然廣雅姑謂之威已以姑字釋威字矣桂氏說文解字義證云威姑君姑也蓋本養新錄卷一說文若讀若威與君同音

以十二生肖紀年

援鵲堂筆記身州云方言以十二時爲十二屬不知所本按已見蔡邕月令正義鄭康成傳又南齊書五行志載永元中童謠曰野豬雖鳴嗚馬子空問渠不知龍與虎飲食江南墟解者云陳顯達屬豬崔慧景屬馬非也東昏侯屬豬馬子未詳梁王屬龍蕭穎胄屬虎云云又北周書宇文護傳言齊主爲護母閭姬作書與護云昔在武川鎮生汝兄弟大者屬鼠次者屬兔汝身屬蛇云云元人多以十二生肖配年爲號所謂狗兒年羊兒年

庸按北周書以下薑鵠蓋本之春風堂隨筆

寄園寄所寄卷七引懷秋集同新

唐書卷二百回鶻列傳下黠戛斯以十二物紀年如歲在寅則

曰虎年該餘叢攷卷卅四是以十二肖配年不始於元文裕之

說亦未覈薑鵠仍其失耳

天水冰山錄

天水冰山錄載金一萬三千一百七十一兩六錢五分并器皿
首飾共三萬二千九百六十九兩八錢淨銀二百一萬三千四
百七十八兩九錢并器皿首飾共二百二萬七千九百一錢
古刺水洪熙宣德二罐空青四枚奇南香二塊而貂鼠裘襖止二件
貂皮禪皮二件狐裘二件貂鼠風領五條扇至二萬七千三百
八把響泉琴文文山硯畫軸卷冊三千二百一件舊衣裘亦止
一百三十五件附錄籍沒江陵金止二千四百二十六兩器皿

首飾共四千七百十兩銀十萬七千七百九十兩首飾器皿五千三百五十七兩又續招銀五萬餘而籍沒錢甯金至十萬五千兩碎金四箱銀四百九十八萬碎銀十櫃珠兩櫃玉帶至二千五百束江彬亦相等吁可歎哉庸按國朝籍沒和珅據歸田瑣記卷五云夾牆藏赤金二萬六千餘兩私庫赤金六千餘兩地窖埋銀百餘萬通劑當舖資本十餘萬家人劉全資產亦二十餘萬不及分宜而多江陵數倍然去錢甯江彬遠甚明之宦官義子黷貨乃駕權相而上之來自何所積之何用小人貪愚不足怪而明政之不綱卽此可見矣

杭松吹

杭華浦先生有松吹書堂因自署松吹人咸謂其用右丞松風吹解帶句也庸按遺愁集安分沈石田云一花一竹一鑪一几

討論經卷以送殘日交游止於田父談笑止於煙霞生涯止於
桑麻朝市升沈之事絕不到門卽到門輒有松風吹之而去堇
浦以考選御史疏語失當罷歸疑或有取石田語耶

檇散

鄭板橋有印章曰檇散人咸謂其本莊子按少陵送鄭虔貶台
州司戶詩起句云鄭公檇散鬢成絲酒後常稱老畫師板橋用
之正鄭氏事也東坡和錢穆父侍祠詩檇散誰收老鄭虔亦卽
本杜

易遷宮

姚平泉廣文

光晉

悼三女叔蘭詩易遷宮裏題名在灑淚遙天

隔絳霄右台仙館筆記

卷六

載之云葛洪枕中書有云童初之府

易遷之宮不言爲婦女所居

庸

按眞誥張桃枝漢司隸校尉

陵母也行陰德久聞在易遷得爲侍郎茶香室三鈔

卷十

引真誥稽神樞第二篇云洞中有易遷館含真臺皆宮名也又

第三篇易遷童初二宮是男女之堂館也趙素臺在易遷宮中

已四百年不肯徙自謂天下無復樂於此處也集異記紫陽真

人山元卿撰蒼龍谿新宮銘云易遷徒語童初詎說蓋卽本真

誥圖繪寶鑑

卷八

陸氏別號易遷宮中仙吏上元人指揮徐大年

室西青散記

卷一

引乩云入道女子先至洞天明晨西院以次升

華陽易遷宮也周大樞存吾春軒集

卷八

次韻檀邨公題贈芍藥

六絕句之三云易遷宮裏人同字彷彿前宵夢見之自注易遷

宮女仙有郭芍藥是易遷宮正女仙所居真誥屢言之非僅稚

川書也

妄妄錄之妄

朱蕉圃

海

妄妄錄

卷三

鬼公子條汪近濤

潮

似指江鱷濤先生聲

末云得之奴言奴言何可信耶

卷七

報怨鬼條汪蓉圃

仲

似指汪

容甫先生

中

謂妻豔而才虐之死恐亦無稽

按先生前室爲孫氏徐星北則謂實

有其事以賭記時憲書先生不勝足蹙之病死

卷五鬼小腳條云仁和張曉窗茂才

植熹妓纖趾手握鼻嗅舌舐之終夕不勸往徐旋卿廣文曾言

隨園宜興冶游亦如此真咄咄怪事曷怪張瑞之偵倒髻勢

耶數條輕詆穢劣書名妄妄正不爽也朱別有釵燕圓傳奇今

不傳殆亦不足觀矣

髮殘非楊山松

查繳書目有孤兒額天錄四本楊山松撰按嗣昌三子長山松

字長蒼襲錦衣衛指揮改監紀同知從嗣昌勦賊次山梓字仲

丹襲錦衣百戶著辨冤錄似卽此書次山櫛字季元山松國變

後爲僧或以爲卽髡殘蓋據亭林詩集丙申年王徵君

濟具舟

城西同楚二沙門坐柵洪橋下一首自注熊君開元其一釋髡

殘按圖繪寶鑑

卷七

僧石谿湖廣武陵人爲堂頭住牛首尺牘新

鈔髡殘字石谿又號介邱湖廣武陵人

國朝畫徵錄

卷下

髡殘

號石谿又號白禿又自稱殘道者武陵人少時自剪其髮投龍

山三家菴旋游諸名山參悟後來金陵受衣鉢於浪杖人住牛

首則與長蒼別一人亭林詩注書法與魚山異原未嘗指爲長

蒼也況敬業堂詩集

卷七

假館集有武陵楊長蒼重來都下感舊

有贈七律在丙寅年上距丙申已三十年詩中無爲僧語或以

其同爲武陵人有此疑耳若墨林今話

卷十

明明字髡殘姓艾

號石船上元人則又慕石谿而字其名者收藏家或題爲介大

師蓋失之不攷僅據圖書臆斷耳

明應試夏日不得衣給

艾東鄉集中有應試文自敘凡三千餘言讀之見明時試士之苛諸生之苦使人不寒而慄獨其中有云天暑酷烈督學輕綺蔭涼飲茗揮箑自若諸生什伯爲伍羣擁立塵坳中法旣不敢扇又衣大布厚衣最不可解上文冰凍解衣露立按檢軍二名上窮髮際下至膝踵裸腹赤趾防懷挾也暑則正宜給衣一望瞭然而衣大布厚衣豈亦立法如此嘗舉以問抱轂亦不能答

後身之妄

亭林日知錄一卷游魂爲變條云維嶽降神生甫及申非有託而生也文王在上於昭于天非有所乘而去也此鬼神之實而誠之不可揜也江陰楊武屏亡評云說得著實庸按東坡韓文公廟碑生有自來一語非輪迴之謂卽東坡一人旣云鄒陽又云

戒和尚又云奎宿小說不經何足深信吳穀人通州文昌宮西園記云文昌帝君之列祀典嘉慶六年始也以川蜀勦匪獲神助奉

旨天下立廟春秋祀如武帝故事而歸田瑣記

卷六

則云朱文正

公自以前身爲文昌宮之磐陀石因號磐陀老人乱言係文昌二世儲君名淵石故字石君奏請加封號行九拜禮西泠仙詠則云朱文正公謂人曰吾門下士前生多文昌宮中人惟阮元爲紫府真人後身故福慧最勝于克襄鐵槎山房見聞錄則云文正武夷君轉世又自言前生爲李善長又爲馬世奇隨園又以武夷君爲文正兄竹君先生諸說展轉譌傳益爲誕妄乱語無稽文正何以居之不疑甚至羅及門下士而門下士又從而罔之耶洪稚存張皋文皆諫其太邱道廣二君骨鯁非蒞林願

道蓮亭所及唐宋小說似此者夥王鐸自言爲蔡忠惠雪竇山人自言前身爲劉公幹淺厚堂自言爲奎宿豈值一噓耶

大士

已吾集首有張受先舊序中云予每云大士大力足稱兩大麟士云大士非字實其化身臨川蓋補陀矣言雖過愛以表崇嘉也庸按管子法法云凡論人有要務物之人無大士焉尹知章注大士不務謚而接物韓詩外傳孔子與子路子貢顏淵言志謂子路曰勇士哉謂子貢曰辨士哉謂顏淵曰大士哉臨川之字本此麟士以普門大士當之誰謂天崇時人皆尙子書耶宋史卷四百七十二蔡卞傳妖人張懷素卞素與之游謂其道術通神嘗識孔子漢高祖至稱爲大士

侯魏

周百安

折

與吳冠五書朝宗初學駢儷之文壯而悔之規於大

家李小湖廷尉好雲樓初集

卷二

木雞書屋駢文五集序云雪

苑正短於駢體故爲是名以尊其集耳雖同時相契如勺庭作

任王谷文集序猶疑其本領淺薄蓋其文專以氣行而不足於

辭者也

庸

按邵青門作侯魏傳云二人不相識方域早歿而禧

名繼起與之埒廷尉云相契何耶謂其正短於駢體二句則可

謂讀書有識

史雪汀跋張忠烈公采薇吟殘藁

予於丙子四月二十八日購得明張忠烈公采薇吟殘藁真蹟
後有史雪汀跋一紙云余與蒼水友善居恆每相過從坐必促
膝周旋必移晷所究論必古今忠孝大節未嘗及名利事龔
糾武林見貽此藁悲歌慷慨中亦復溫柔敦厚不失詩人之旨

足徵平時學力吾道洵堪千古撫今追昔能無黯然雪汀老人
榮揮涕書此庸按四庫全書經部詩類存目有史榮風雅遺

音四卷提要云榮自號雪汀老人鄞縣人不詳其生平按雪汀
尚有同聲集四十卷竹東集李長吉詩注三種四庫未收據

鮎琦亭集

卷二

史雪汀墓版文云榮一名闕文字漢桓忠宣公

裔春秋七十有九亦不詳其年以上文及予自粵歸而雪汀卒
乃志之謝山自粵歸在乾隆癸酉七月以此上推七十九年則
生於康熙十四年乙卯後忠烈就義十一年始生則此跋不知
何人贗作否則謝山文有誤字也全云陷於非罪之縲縶者三
以此去其諸生雖與跋云羈絆武林台然謝山篡忠烈神道碑
明云公既愛防守卒史丙之義遂日呼與語因得藏公之集有
宜興人徐堯章者從丙鈔以歸今跋云見貽此稟與碑不合且

防守卒史丙亦非諸生也或者以史跋之僞并疑此稟乃傳錄本非忠烈手書真蹟則又誤矣

張忠烈公辭故里詩

柳亭詩話

卷二

十一晚節清風條張元箸先生遁跡海隅爲寺僧所

給殉節杭城幕友羅自牧侍童楊貫死之所著詩文散亾殆盡

聞有一二留傳人世有曰何事孤臣竟息機魯計六奇南略作暮誤戈不

復挽斜暉到來晚節傳作朝錄是松柏此去清風笑蕨薇雙鬢難

容計作堪誤五岳住一帆仍計作猶誤向十洲歸疊山遲死文山早青史

他年任是非元人謂文山遇便卽逃疊山有髮卽剃先生落句

其寓意深矣先生名煌言甯波人全浙詩話卷三引之易爲寺

僧所紉爲十九年後城爲州刪散亾殆盡清作春末句易蓋寓

意爲無先生以下八字

菴姚貞菴世駭林穆菴明倫李贊菴調元余鷲菴騰蛟莊虛菴
忻邵右菴志純徐成滂左宗植皆號慎菴此外不知尚有若干
人容秋日理學經學大臣文苑信有之 國初遺老如郭些菴
都賢林藹菴時對王不菴 黃圃菴周星徐拙菴芳鄭桐菴
敷教陶密菴如鯨劉賸菴永錫沈斯菴光文唐汲菴訪陶鎔菴
履卓李媿菴世熊萬悔菴泰董西菴說張薇菴道范默菴驤丁
因菴飛雄吳苾菴懋謙諸惕菴九鼎張任菴岐然徐而菴增張
母菴芳鍾蟠菴文明周需菴岐朱訥菴訓誥陳簡菴希稷黃希
菴瓚賀懷菴應旌言未已若膊折之曰望雲此條蓋以菴爲一
氏所居理學諸公不當以之自號耳其實菴爲草屋本非僧道
所勅名以爲別號亦猶軒齋亭臺耳於理學也何有望雲旣誤
初諸君又枚數以證之不特詞費且二百四十年來人物恆河

沙數能如潛邱所云不扇乎相與一笑而罷

求賢審官

同治壬戌 朝考題爲求賢審官論諸同人方互論出處貴筑楊茹香 先柔 卽取片紙錄詩小序卷耳后妃之志也又當輔佐君子求賢審官知臣下之勤勞內有進賢之志而無險詖私謁之心朝夕思念至于憂勤也於是皆本之立論後數年一友人偶談及此謂四字雖出小序而

命題似出陸宣公奏議請許臺省長官舉薦屬吏狀云爰初受命卽以上陳求賢審官粗立綱制蓋

欽派擬題內出一書摺角此係斯文精粹惜試後未叩之擬題大臣也又云北齊樊孝謙有求才審官對宋書王華傳孔甯子陳損益疏求賢審官未之或改全唐文魏徵有求賢審官疏新

唐書

卷九十八

馬周傳臣聞致化之道在求賢審官容齋續筆

卷先

天元年九月道侔伊呂科策間殊平平但云興化致理必俟得

人求賢審官莫先任舉皆在宣公前若歐陽文忠公全集

卷一百一

二奏

議學狀然則積德累善如此勤而求賢審官如此慎而有

次第它書引用者不可枚數既以陸狀爲主亦不必蔓引也治

身先孝治國先公疏亦見古文淵鑑

卷四十四

司馬光論治身先孝

治國先公疏按傳家集

卷

言爲治所先劄子治平元年五月

十八日上首云臣聞治身莫先於孝治國莫先於公故纂修淵

鑑館臣以此八字標題也又按全氏宋元學案

卷八

涑水學案下

英宗疾旣平皇太后還政公上疏言云云其言切至皆母子間

人所難言者

行狀

今洪瑩刻名臣言行錄後集同而脫注行狀

二字狀見蘇文忠集

淵明子庶出

嬾真子三卷五柳與子儼等疏云汝等雖不同生又云況其父之人則知五子非一母或云以五柳之清高恐無庶出但前後嫡母耳僕以責子詩考之正自不然詩云阿舒已二入懶墮固無匹阿宣行志學而不愛文術雍端年十三不識六與七通子垂九齡但覓梨與栗且雍端二子皆年十三則其庶出可知已醒軒云安知雍端非雙生子抱霞云醒軒語誠可解頤然後人正可援此以證蔗生荔挺所謂語出古人戲謔亦成典故也

強記不可恃

茗磚博聞強記雖極僻不經見之人之姓字一覽卽能詳其里貫家世科目著述百試無一爽者同人皆推爲絕技而茗磚甚不自多謂強記最不可恃書之未見者甚多已見者亦甚易忘

偶舉水南灌窰遺橐中評語大半皆壬戌同籍及江右同鄉然如徐二泉汪羅蓬湯鑑堂羅南川歐陽子石瑾分宜人雍正癸丑官倉侍周牖如朱荆園周緒楚李然山熊勉齋何鶴巢方定之劉湘皖沈香澧劉理圃錢龍池郭初昇十七人迄今卒不知其名及何地人遑論它書及古籍乎

諱談爲同

章氏文史通義外篇三書朝邑志後古人臨文不諱或謂史遷諱談爲同然滑稽傳有談言解紛語恐此說未確洪氏曉讀書齋二錄上亦云李斯傳兩言宦者韓談豈錄舊史文不及盡削耶否則後人追改庸按徐孚遠史記測議云史記談皆作同此仍談誤也北江謂追改者是滑稽傳同

李安谿

近出醒睡錄初集

卷八

獨子祧二姓條云李文貞相傳其父通女

僧而生

庸

按文貞以講學居揆席而生平負謗最甚多不經之

言鮪埼亭集外編載其取歸外婦之子鄺齋雜記

卷一

載其封翁

傭工於外此并詆其太夫人爲尼誣妄甚矣不獨蠟丸疏之賣

友也韓文懿公

葵

有懷堂集有文貞母吳淑人墓表云安谿儒

士景贊女安有是耶

集部傳譌

汪汲事物原會

卷三十八

生人之始條云知新錄載風俗通天地開

闢未有人民女媧搏黃土爲人力不暇供乃引繩緷泥中舉以

爲人故富貴者黃土人也貧賤凡庸者緷人也汲按風俗通無

此段王勿翦或偶未細核錯填書名然各種集部中舛錯不符

者正不止於知新錄也卽如陳明卿爲有明一代名家其四書

人物備攷載孟子娶由氏子仲子下注出史記查孟子列傳並無由氏仲子其人 國朝海甯相國手訂格致鏡原一書綜括包羅幾無遺義而所引馬頭孀一段弁以按神記及攷晉干寶按神記內載迥不相符究不知所引何本又舟車類內鞭字之下引說文所謂驅遲者也查說文止注驅也並無所謂驅遲者也之語因思書籍卷帙繁多一時不及詳對原本每致以譌傳譌集中在所不免覽者幸曲諒之按汪氏各書不免陋略故特引此以自解殊不知今世風俗通非足本錢氏竹汀輯有逸文刻入羣書拾補可證陳文莊雖號博洽然四書人物備攷等書坊肆依託未必出文莊手陳文簡格致鏡原奉勅撰輯歸里許攜橐如溫公通鑑之書局隨身然實出婁范武功纘手所引亦未必詳對原書多採類書睦說閒出區書按神記亦非足本汪

所見殆稗海本耳鄙意明末國初無論別集總集與夫雜家小說凡所援引苟原書具在取而一一詳對其舛錯不符校不勝校其時風氣如此殊不足異迨乾隆中開四庫全書館通經學古之士輩出纂輯各書始埽此弊既博且精豈稗販勦說所可及哉嘉道以來顧千里嚴可均李兆洛諸家嗣起校彙羣籍實事求是益臻大成自俞理初氏歿而此道微矣

連姓取名

顏氏家訓卷上風操篇晉代有許思妣孟少孤如此名字幸當避之敬齋古今難云或者有以名繼姓若管鮑牛斗馬希驥殷獻臣之類如倡優家兒此殊爲可鄙也蒿菴閒話卷一古人命名未嘗有因姓爲名者惟優名乃時有之如郭門高敬新磨之類近日士人乃以此法命名不知其非取義旣隘族姓繁多者動輒

相犯日知錄

卷十三

以姓取名條云古人取名連姓爲義者絕少

近代人命名如陳王道張四維呂調陽馬負圖之類榜目一出

則此等姓名幾居其半不知始自何年嘗讀通鑑至五代後漢

有虢州伶人靖邊庭胡身之注曰靖姓也優伶之名與姓通取

一義所以爲詭也

靖邊庭亦見宋史田欽祥傳

攷之自唐以來如黃幡綽雲

朝霞

唐書魏

鏡新磨

五代史

羅衣輕

遼史伶官傳

之輩皆載之史書

益信其言之有據也嗟乎以士大夫而效伶人之命名則自嘉

靖以來然矣按董桂新讀書偶筆

卷二

陸以

冷廬雜識

引亭林此條董云宋時有王化基韓晉卿等史書皆爲立傳然

則士大夫取名連姓爲義自宋時已肇其端特至有明之季而

益盛耳陸云余觀士大夫命名通姓爲義唐宋已然如李無言

魏嗣萬程九萬王佐才安如山凌萬頃之類明初亦間有之如

凌雲翰成始終夏時正傅如舟傅如楫之類惟至嘉靖以後而始盛耳通俗編

卷十

武林舊事載南宋供奉優人有號歡喜頭者

他亦多連姓爲名如賀壽王侯喜諸國朝時豐稔是也按今

世優隸猶往往如是平人好奇者或不知其可恥效之原其始

則在六朝已有南史羊侃傳有彈箏人陸大喜通鑑後漢有號

州伶人靖邊庭

席

按風俗通漢有幽

芳垂聲姓苑有冉閔

司空條枚則連姓取名漢晉已有之不獨顏黃門所舉唐人如

孟浩然宋人如江萬里詩人名臣亦然此外不可僂指數敬齋

蒿菴亭林晴江諸公所譏自正惜攷之尙疏卽如洪武乙丑會

試有周尙文

明史嘉靖時又有大同總兵周尙文

宏治壬戌有黃河清嘉靖己丑

癸丑乙丑皆有王三錫

乙丑有二人

嘉靖乙未戊戌甲辰隆慶戊辰

萬曆乙未皆有王之臣正德辛巳嘉靖癸丑萬曆壬辰崇正戊

辰皆有張問行嘉靖戊戌有莫如忠辛丑有莫如爵丁未有周

思兼庚戌有審來譽馬斯臧正德辛巳有朱孔陽嘉靖己未有

達其道甲辰壬戌皆有席上珍

明史忠義傳又有席上珍號安人崇正時舉人又有殷尚質天

津衛人遼東總兵官死難

嘉靖壬戌萬曆辛丑皆有張問明壬戌又有王問

臣乙丑有古之賢榜目中如此者固不第嘉靖以來爲然南部

新書已云國初進士尙質有餘而文不足至於名以定體若紀

干劫仞支干尋常無求吳楚江湖閣梅之類頗肖俳優反謂其

姓氏亦黑髻黑肩之類近代則文有餘而質不足矣據希白此

條則連姓名亦尙質之意如殷人之以甲乙名子非以爲諱

也又何奇之好乎新唐書元結傳祖亨字利貞連姓取名又以

乾象四字爲名字奇之奇矣

字號段借同音

文史通義

卷四

繁稱云峰泉谿谷橋亭軒館亦既繁稱而可厭矣

乃又有出於諧聲隱語此則宋元人之所未及開而其風實熾

於前明至今日也

或取字之同音者爲號或取字形離合者爲號

按字形離合者如劉

侗字同人李楷字皆木尤侗字同人汪价字介人蔣伊字尹人

朱筠字竹均錢侗字同人之類若字之同音者爲號則尤繁夥

幾於更僕難數矣梅邨集

卷八

有黃州杜退之改號蛻斯其音近

而義別爲贈五律一首南雷文定前集

卷六

劉瑞當先生墓誌銘

瑞當諱應期亦字遂當在園雜誌

卷三

吾友申符孟

涵光

張越干

虎

王紫詮

瑛

其壯年名字皆具超達飛騰之氣及其後也符孟

不樂仕進改字曰覺盟

按張玉書撰申墓銘云字孚孟一字刊孟號覺盟

四庫全書總目卷一百八十一

十一聊山集提要云涵光字孚孟亦作符孟又號曰聰山越干

日刊孟復自號曰覺盟取與孚孟字音近也

絕志場屋改名曰澹改字曰月苻號曰曼持紫詮罷職閒游改

名曰嬰

按竹垞集外詩卷五作寶坻王煇

改字曰紫裕號曰能如名與字音同

體別集虛齋學古文兄弟藥房墓誌銘云字若芳轉其聲更字

曰藥房本朝名家詩鈔小傳卷三李必恆字北岳商邱宋公爲其

宗故更字曰百藥取唐賢命名意且音同也 四庫全書總目

卷十禹貢譜提要云澍字若霖亦或自書爲翁林又卷三十七四書

本義匯參提要云步青字漢階或自書曰罕皆以同音相代也

又卷一百一十三夢鼎堂文集提要云任觀瀛字子登或書曰紫登以

同音相段借也又卷一百一十四牆東雜著提要云汝驤字雲衢所刻

制義或自書曰云劬又自書曰耘渠皆以同聲段借也又卷一百一十八

十隨園詩集提要云連寶字趙珍今刊本作肇眡乃戲以同音

書之如申涵光本字符孟而每書鳧盟非其本音也雨邨詩話

卷十今人字號多同音而異字如蔣心餘一作辛奮趙雲松一

作耘菘程魚門或作漁陳古漁或作愚周書昌一作倉亦可悅

親樓集

卷二

止堂詩自序云麟幼時先君命以名及冠字之曰

趾堂其後號曰芷塘者蓋因字音相近假借而通之者也研秋

齋筆記

卷上

外號切姓予所聞自元周草窗始近如王牆東鄭谷

口王西莊謝東塹錢湘靈王蓮府趙笛樓皆是又一種紀伯紫

孽子王若霖翁林雲衢耘渠漢階罕皆儲曰虞越漁嚴東有冬

友華豫原芋園汪容甫庸夫王惕甫鐵夫

庸

按國初如談遷

字仲木一作孺木一字觀若亦作冠石茅元儀字止生一作祉

生周容字茂三亦作茂山號鄒山黎士宏字愧曾舊字愧孫張

賁孫號繡虎亦作繡武張可度字季篋亦作劓篋沈光裕字仲

蓮號種蓮周體觀字伯恆一作伯衡錢鏞字梅士後更糜涖歸

莊字元恭或作元躬亦作元公或偁懸弓或偁園公陳梓字俯

恭一作敷公號古民一作古銘亦作菴縉彭士望字躬菴一作
公安若丁允池北偶談卷一字繼之西河合集七言絕句卷三秦淮老人
後金子較評語作寄枝此類或一時筆誤未可徵引以爲皆段
借同音也

世系

張貞紀紀有系家一目 四庫全書史部地理類存目提要云
按司馬貞史記索隱改世家爲系家乃避唐諱此誤襲其名庸
按唐人以世本爲系本亦避諱改今人纂譜每稱世系二字纏
複用之似非應作世圖或世牒爲合

基

停雲閣詩話卷八客有以基字問孫淵如先生者先生熟思良久
曰諸書無此字有則宋槧唐刻避元宗諱基字下缺畫也各首

肯滿座皆服其識

庸

按金石萃編卷一百四無垢淨光塔銘周其基

趾作基潛孽堂金石文跋尾三續云避諱作基與慈恩寺基公

塔同思適齋集

卷十

跋神寶寺碑云此碑序望魯開基與基公

塔銘正同皆基字避嫌名而缺末筆也是以基爲基唐人書碑如是宜不獨淵如知之詩話此條似傳聞不足據

五娶四娶

況太守年譜十八歲娶熊恭人二十六歲熊卒二十八歲續王
宜人四十四歲王卒四十六歲再續舒宜人五十歲舒卒五十
二歲三續李宜人五十六歲李卒五十七歲四續萬恭人是太
守凡五娶獨異志言鍾繇年七十而納正室是亦不可以已乎
顏氏家訓云江左喪室之後多以妾媵主家河北必須重娶至
於三四至唐而此風猶存按國朝沈端恪公亦四娶邵文靖

傑 娶史繼李

如瑗女

蔡陶李

卽繼李弟右文女河怪

何獨河北乎

唯亭

潮過唯亭出狀元見睽車志卷一今時猶有此諺亦甚驗故蘇州狀元獨多不可解也或謂府學乃范文正捨宅然何以文正子孫反無之

三元甲子

舊唐書傅仁均傳以三元之法一百八十去其積歲武德元年戊寅爲上元之首錢竹汀氏攷異云按三元甲子之說始於遁甲九宮每歲行一宮九歲而徧六十歲未復其初必轉三甲子而後終九宮之局仁均旣以武德戊寅爲上元則隋仁壽四年甲子爲上元矣今蘇州虎邱寺有五代顯德五年幢後題下元甲子歲在戊午按金石文跋尾三續崇信寺西塔基記依檢仁

歲上有顯德五載四字歲在作龍集

依檢仁

壽四年甲子爲上元則麟德元年甲子爲中元開元十二年甲子爲下元興元元年甲子又爲上元會昌四年甲子爲中元天祐元年甲子爲下元顯德戊午尙在下元篇也庸按依此下推宋乾德二年甲子又爲上元天聖二年甲子爲中元元豐七年甲子爲下元紹興十四年甲子又爲上元嘉泰四年甲子爲中元景定五年甲子爲下元元泰定元年甲子又爲上元明洪武十七年甲子爲中元正統九年甲子爲下元宏治十七年甲子又爲上元嘉靖四十三年甲子爲中元天啟四年甲子爲下元國朝康熙二十二年甲子又爲上元乾隆九年甲子爲中元嘉慶九年甲子爲下元同治三年甲子又爲上元今堪輿家相人家宅墓每援三元之說不知出歷法并不知出仁均也

像設

毛西河辨定祭禮通俗譜云說文廟者貌也古今注云所以彷彿先人之容貌則古原有遺像追育之事或以爲影堂起於後世非是庸按日知錄云宋玉招魂始有像設君室之文尸禮廢而像設興蓋在戰國之世西河必以爲古有則尸像並設奚爲近曲園雜纂日知錄小箋據王逸注云像法也言乃爲君造設第室法像舊廬所在之處清靜寬閒而安樂也然則像設君室是言像其舊廬而爲室似不得爲畫像之證太平御覽七十引抱朴子曰黃帝既仙去其臣有左徹者削木爲黃帝之像帥諸侯朝奉之此設像之始按王逸注原不指畫像第抱朴子亦似木偶之始而非畫像博物志卷八史補已云黃帝登仙其臣左徹者削木象黃帝帥諸侯朝之七年不還左徹乃立顓頊左徹亦仙去則不特葛洪始言之

趙文敏東

今人受人饋遺答束必云拜領或謹登或領謝若饋人則云伏冀莞納或晒存而趙文敏與人柬乃云輒有素綢一匹以表微意伏冀笑領又云拜手特納祈笑領之以納屬己以領屬人皆與今異廣陽雜記已引之抱煙曾偶用爲人唾吹不已

起居

今人函牘往來多用起居字隨園隨筆卷十二唐李涪刊誤稱今謁尊者稱祇候起居起居者指動止而言近有起居某官者其義安在不知漢書王莽使人起居太后是作問安之義稱起居某官者非誤也杜詩起居八座太夫人亦是問安之義抱煙曰二字不可率用惟宜施於具慶或偏侍下者蓋據石林燕語卷二云唐舊事門狀清要官見宰相及交友同列往來皆不書前銜

正日某謹祇候某官謹狀其人親在卽曰謹祇候某官兼起居
謹狀祇候起居不並稱各有所施也

三游赤壁

歸田瑣記

卷三

按坡公跋龍井題名記云子謫黃州參寥使人示

以題名時去中秋十日秋濤方壯水面十里月出房心閒風露
浩然所居去江無十步獨與兒子邁棹小舟至赤壁望武昌山
谷喬木蒼然雲濤際天因錄以寄元豐三年八月記此公第一
次游赤壁也元豐三年爲庚申越二年爲壬戌始再游赤壁今
人但知後二游而已庸按梁說本之黃石原見消暑筆談子目
下九黃則本之明王一槐玉壺唾見四庫全書總目子部提
要

兩王應麟兩方苞兩魏叔子

學海堂集

卷六

林伯桐浚儀王氏困學紀聞跋又攷朱子於三十

五歲嘗作困學恐聞亦襍記之書王氏是書其名略同又王氏

同時有晉安人嘗知南海縣事

本養新錄卷

吾粵光孝寺有其石刻

與厚齋先生爲兩人而姓名俱同因讀是書而附識之

藏棄集

卷八

宗元鼎寄周櫟園書云方生苞詩文入夏手自編輯

遺藁七卷在浚注苞字白英據梅岑書其人爲櫟園門下士已

數年不言何地人或亦邗溝故梅岑爲輯遺藁冀櫟園爲之

彙行今不傳豈櫟園未付梓遂散軼耶它書亦匙及之者視望

谿先生年齒差前而姓名俱同不讀宗書將誤何爲一人矣

柳南隨筆

卷

魏沖亦字叔子負才不羈與馮嗣京輩爲

里社王延燦同姓名錄取叔子與魏沖相配題曰兩魏叔子

四庫全書提要云取州縣戶口錄而訂之同姓名者萬人可得

何止此八卷乎唐按今人但知叔子名禧據叔子文集卷五同林

確齋與桐城三方書在辛丑年則叔子本名益禧又按季子文

集卷十先叔兄紀略云宗派曰際昌結鄰集目錄卷十魏光鳳

下子際瑞肩禧肩禮則是派名際昌與伯子之際瑞同後更名

允禧又更名禧後人恭避允字又譌爲益耳此與叔子文集名

曰外篇其內篇一集二集皆制義也日錄三卷詩八卷外尚有

尚書解一卷左傳經世鈔十卷擬奏疏一卷童鑑二編見卷五與

臨川王偉士書今皆不傳世亦遂無知之者矣

宗衮

後邨詩話康樂稱太傅爲宗衮子建稱孟德爲家王皆自我作

古唐按清波雜志卷中稱益公爲宗衮相沿至今遂爲典據若書

錄解題載錢惟演有家王貢奉錄二卷家王故事一卷則希聖

爲忠懿王子正用子建語也太白贈從弟宣州長史昭云宗英
佐雄郡水陸相控帶茗膳以爲與宗袞一例自來無人用也

撥鐙

大瓢偶筆

卷七論筆法

書史會要王氏詩錄均同

唐陸希聲得撥鐙法凡五字

曰撇押鉤格抵以授沙門誓光誓光授翰林供奉刀衍李後主

得之復增導送二字爲七字訣歷尹熙古查道

原本衍一始字

及元人

盛傳之至明祝允明又增一拒字爲八字法

退菴隨筆卷二十以拒亦後主爲

入字

予謂五字本無病病在導送拒亦蛇足一切掃除方有進

步

按全唐文林韞撥鐙序盧公忽相謂日子學吾書但求其

力爾殊不知用筆之方不在於力用於力筆死矣虛掌實指指

不入掌東西上下何所關焉常人云永字入法乃點畫爾拘於

一字何異守株翰林禁經云筆貴饒左右尙遲鈍此君臣之道

也大凡點畫不在拘之長短遠近但勿過其勢俾令筋骨相連
意在筆前然後作字若平直相似如算子此畫爾非書法也吾
昔受教於韓吏部其法曰撥鐙今將授子子勿妄傳推拖撚拽
是也訣盡於子子其旨而味乎据林序則撥鐙始於昌黎而授
之盧盧又授林法只四字與陸希聲不同又按全唐文盧攜臨
池訣云第一用紙筆第二用認勢第三裹束第四真如立行如
行第五草如起第六上稀第七中勻第八下密又云用筆之法
拓大指撮中指斂第二指拒名指令掌心虛如握卵此大要也
凡用筆以大指節外置筆令轉動自在勿令大緊名指拒中指
小指拒名指此細要也皆不過雙苞自然虛掌實指永字論云
以大指拓頭指鉤中指拒此言單苞者然必須氣脈均勻拳心
須虛虛則轉側圓順腕須挺起黏紙則輕重失準把筆淺深在

去紙遠近遠則浮泛虛薄近則搵鋒體重用水墨之法水散而
墨在迹浮而稜斂有若自然紙剛則用軟筆策掠按拂制在一
鋒紙柔則用硬筆哀弩鉤磔順成五指純剛如以錐畫石純柔
如泥洗沙既不圓轉神格亾矣書石及壁用純剛例蓋相得也
搗卽林所指盧公希聲之言撫鉤允明之增拒皆出於此其實
拒卽抵之謂大瓢所以譏其蛇足也搗爲昌黎門人韞爲搗門
人全唐文林在盧前似編校者誤

僞書

澹生堂藏書約云書有僞作於前代而世舉知之者風后之握

奇

始見宋志

岐伯之素問

隋志始著

也有僞作於近代而世反惑之者子

夏之易傳

臯說之學易堂記云張弧作文獻通攷从之

毛漸之連山

胡元瑞說北史劉炫傳炫作連

山也有掇古人之事而僞者仲尼傾蓋而有子華

舊題晉程本晁公武云元

豐以後

柱史出關而有尹喜

宋廉謂南宋孫定偽爲提

要疑之螺江日記六作磨

古人之文而僞作者伍員著書而有越絕

袁康

賈誼賦鵬而有

鷓冠

柳宗元集

也有傳古人之名而僞者尹負鼎而湯液聞戚飯牛

而相經著也有蹈古人之名而僞者汲冢發而師春補樽机紀

而楚史傳

王禕吾衍傳備言之

也有憚於自名而僞者魏素筆錄

提要謂素自署

名其託名者

即下碧雲駮之類也有恥於自名而僞者和氏香奩

之類

也有襲取於人而僞者法盛之晉書也有假重於人而僞者子

瞻杜解

李歇注杜甫詩王性之僞作

之類也有惡其人僞以禱之者僧孺行

紀贊皇門客

之類有惡其人僞以誣之者聖俞碧雲駮

王銍東軒筆錄

拔云鴉

之類有本非僞他人託之而僞者陰符不言三皇而李

筌稱黃帝

山谷後撰朱子亦云

之類有書本僞而人補之而益僞者

乾坤鑿度諸緯書之類又有僞而非僞者洞靈真經本王士元

源所補而以僞亢倉

讀書志

西京雜記本葛洪傳

隋志二卷不著撰人葛洪起於

唐志本

傳無之而以僞劉歆之類又有非僞而曰僞者文子

子厚以後人聚斂而

成

載於七略歷梁隋皆有其目而東發以爲徐靈府抱朴編於

句漏本傳及唐宋皆志其書而東發以爲非稚川又有非僞而

言僞者化書本譚峭而齊邱竊而敘傳之

陳景元跋

莊注本向秀而

郭象取而點定之

世說新語

又有當時知其僞而後世勿傳如劉炫

魯史之類又有本無撰人後人因近似而僞託山海稱大禹所

作

劉歆按上奏稱伯益論

又有本有撰人後人因因逸而僞題

者正訓稱陸機之類

庸

按夷度先生此條蓋本之少室山房筆

業正集中四部正譌後螺江日記卷六略同

袁詔

柳亭詩話

卷十

名姓相同而賢奸迥別者如趙高王莽袁紹之

類紹南渡知臨安多惠政人稱袁佛子然賢在前而人思效之固已乃有姦在前而人故同之其意何居庸按當是不知斷非效類也紹乃詔之譌詔字彥清慶元人淳熙十四年進士官參知政事封越公與本初名紹不同岸舫偶誤

趙忠毅公硯鐵如意

樂陽消暑錄卷二沈椒園爲盪峰山長時見示趙忠毅硯眉有東

方未明之硯六字背有銘曰殘月熒熒太白睽睽雞三號更五

點庸按二句本昌黎東方半明詩止此時拜疏擊大闢事成策

汝功不成同汝貶末有小字一行題門人王鐸書此行未鐫庸

按悅親樓詩集卷七此歌題下小注同款署南星二字湖海詩傳

卷十朱方謫東方未明之硯歌序熒熒作暉暉太白作明星事

成作成則不成作否則秀署夢白居易題下刻南星二字小印

春橋云司臬出示余則似朱偶爾誤記小信天巢詩鈔卷十書

周梅生鼎詩後自注東方未明之硯銘熒熒亦作暉暉拜作抗

事成亦作成則不成亦作否則兩般秋雨菴隨筆卷三余幼時有

人持一硯來上鐫趙忠毅公款識有銘云殘月熒熒作東方未

明擊作揭策作銘桐陰清話卷五載搨本熒熒亦作暉暉太白睽

睽作明星皎皎事成亦作成則不成亦作否則門人王鐸書亦

作夢白居易題諸家載此硯銘句不同皆誤若金石契云忠毅

鐵如意傳世甚多蓋當時東林君子各有一柄銘辭鐫製略同

而年款各異硯則止一硯安有異也西樞全集卷七趙忠毅鐵如

意歌周蔣餘觀察屬題云嵇叔夜鍛阮孚屐名士大抵有奇癖

堂堂一代社稷臣微物何足勞精神趙忠毅公鐵如意世所流

傳非一具或年癸甲或辛壬銘辭亦有小同異當時委鬼執朝

權朝士奄然競相媚舉笏可擊逆豎頭請劍可折佞人氣縱以
百鍊表堅貞奚必年年製此器器惟求舊非求新片鐵疑質復
疑真於虜不惟其器惟其人後之詠東方未明硯者作鐵如意
觀可也然据南邨草堂詩鈔卷二邵警菴刺史蔡繪所藏忠毅
鐵如意圖次老栗韻後載邵記則忠毅幼時喜製鐵如意大者
尺餘次數寸極小盈寸銀塗鏤飾又引宋于廷詩注忠毅自號
餐霞主人又有天啟壬戌張鼐春製八字者金石契之言猶臆
說不盡東林有也樊榭詩集趙忠毅公鐵如意歌題下自注上
有銀鏤銘云其鉤無錢廉而不刺以歌以舞以弗若自折惟君
子之器也趙南星凡小篆二十六字

用千字文語一

陔餘叢考

卷二

湯若士演牡丹亭劇有石道姑白話一段全用

千字文語其實亦有所本太平廣記

庸按見三百五十二文語乞詩

引啟顏錄

有祭社語云社官二老等竊聞政本於農當須務茲稼穡若不
雲騰致雨何以稅熟貢新聖上臣伏戎羌愛育黎首能閏餘成
歲律呂調陽某等並景行維賢德建名立遂乃肆筵設席祭祀
烝嘗鼓瑟吹笙絃歌酒讌上和下睦悅豫且康禮別尊卑樂殊
貴賤酒則川流不息肉則似鹵斯馨非直菜重芥薑兼以果珍
李柰莫不矯首頓足俱其接杯舉觴豈徒賦謝歡招信乃福緣
善慶但某索居閒處孤陋寡聞雖復屬耳垣牆未曾攝職從政
不能堅持雅操專欲逐物意移凶則執熟願涼酒則骸垢想浴
老人則飽飫烹宰某乙則饑厭精糠欽風則空谷傳聲仰惠則
虛堂習聽倘蒙仁慈隱惻庶有濟弱扶傾希垂顧答審詳望感
渠荷滴瀝某等卽稽顙再拜終冀勒碑刻銘但知悚懼恐惶實

若臨深履薄據此則唐人已有以此爲戲者臨川特仿爲之耳
又唐圖立本善畫後拜右相而姜恪以戰功爲左相時人有左
相宣威沙漠右相馳譽丹青之嘲此又在啟顏錄之前唐按廣
記卷二百封抱一條而作天地元鼻有雁門紫旣無左達承何
勞罔談彼本南都又卷二百患目人條眼能日月盈爲有陳根
菱不則似蘭斯都由雁門紫則又以千字文作歇後語鑑誠錄
載宋光嗣判小朝官郭延鈞進識字女子云進來便是宮人狀
內猶言女子應兒容止可觀遂令始制文字更遣阿母教招恨
不太真相似且圖親近官家直向內廷求事則偶用二句猶之
點化成語耳又判神奇軍背軍官健李紹妻阿郢乞判改嫁云
口中爭著兩張匙則亦當時俗語也

幕府擬稟

薑露庵雜記卷二曾文正公大事章奏必令幕府諸賢各創一藁然後審擇點竄亦有一字不易者合肥伯相李公則必先自草創聽幕僚指陳得失已乃更自裁定論者謂曾公謙謹李公機警而集思廣益其道則同庸按檣暴雜記卷二汪劉二公文學條汪文端師應奉詩文門生有才者或爲代作可用卽用之不必悉自己出也劉文定公亦令諸門生撰藁卻不肯襲用一語而其中新料新意又必另入鑪錘改製而用之蓋爲刻藁地也於此見文端之大亦見文定之精庸按文端松泉文集高華映鍊具體常楊文定繼庵內外集亦雍容雅飭皆不愧臺閣之文文正文則合揚馬韓歐爲一治雄奇萬變當時幕府雖多賢實罕與公敵也曾似文端李似文定

尤袁相似

澄清堂集中袁君

枚

傳嘗自稱吾之官不擇日葬親徙宅不用

形家言而未嘗遇患不學仙佞佛而年登大耋不丐貸求索而

饋詒者四方不絕不講學而神解超然

庸

按茶餘客話

卷一

尤西

堂

侗

晚年嘗言不講學而味道不梵誦而安禪不導引而攝生

隨園所言與西堂相似詩文雖門徑不同而皆非大家正宗尤

以檢討告歸

年已六十六

里居癸未

南巡加侍講甲申卒年八十七袁則不曾強仕已歸田丁巳卒

年八十二富山林之福者四十六年較西堂有過之

袁簡齋袁子才羅隨園邊隨園

銅熨斗齋隨筆

卷七

孫炯觀山齋雜記云智永書千字文八百本

其真蹟舊藏在江西袁簡齋家此蓋勝國時人與乾隆閒隨園

居士別號相同又余在磁州得有隋開皇閒袁子才同姪造像

其名亦同隨園之字韓泰華無事爲福齋隨筆袁子才隨園夫人而知之關中羅賢亦有隨園其自記云余關地誅茅偶有怪石便疊爲山偶臨水便濟偶折柳植而環之有草不除落花不埽讀易其中喟然歎曰隨之時義大矣哉隨地而安之亦隨地而樂之孔子曰樂在其中遂自號曰隨園云庸按羅華州人與孫宇合同时放情詩酒見錢金粟記事橐六卷林雲銘挹奎樓選橐有送羅隨園參軍序若與簡齋同徵之任邱邊連寶亦號隨園著有隨園文集 卷隨園詩草八卷四庫全書總目存日作隨園詩集十卷附錄一卷與袁有南北兩隨園之目今人亦尠知之無論羅賢矣

今世事多見古書

王性之謂前世之事無不可考者特學者觀書少而未見爾子謂今世之事前人亦無不有亦坐觀書少而未見迺驚爲異耳

幽怪錄白物記條足下調官已成昨日過官覓公不得某某兄
替過官已了新唐書李逢吉傳門下史田任倚逢吉親信顧財
利進婢嬖之任坐事匿逢吉家名捕勿獲及出鎮表隨軍滿歲
不敢集使人僞過門下者調房州司馬爲有司所發卽今人倩
人驗看之弊

王瓶山

秀水王仲瞿先生曇又名雲睿別號秋涇又號穆湖以邑有瓶

山因又以瓶山自號後更名良士乾隆甲寅年三十五

齒錄作甲申生

蓋匿年以國子生舉浙江鄉試十八名行卷沈博絕麗膾炙一時

詩文奇豔兼工樂府院本九上春官未遇又欲更名蠡舟爲禮

部尙書達椿公所格大挑二等丙子八月朔卒年五十七繼室

金雲門

禮巖

號五雲子善才皆能詩五雲尤工畫瓶山葬虎邱

山南陳雲伯銘墓云葬嘉興祖墓之次豈始薤虎阜後正首邱耶

儒藏

尺牘新鈔

卷

曹石倉與徐興公書云釋道有藏獨吾儒無藏可

乎僕欲合古今經史子集大部刻爲儒藏

庸

按忠節此言殆以

永樂大典分韻割裂使無完書故有此舉然采擷四庫一書十有餘年而未能卒業徒虛願耳至國朝周書昌亦然逮

四庫全書告成古今書囊括無遺奚啻爭勝二氏已哉